



ჯანმრთელობის დაცვის და სოციალურ საკითხთა
კომისიის სხდომის ოქმი №38

23 აპრილი 2024 წელი

14:00 საათი

ა/წ 23 აპრილს ქ.თბილისის მუნიციპალიტეტის საკრებულოში ჩატარდა ჯანმრთელობის დაცვის და სოციალურ საკითხთა კომისიის სხდომა.

სხდომას ესწრებოდნენ ჯანმრთელობის დაცვის და სოციალურ საკითხთა კომისიის წევრები:

1. ზურაბ ჩიკვილაძე;
2. ლევან აბაშიძე;
3. ანა კაკაბაძე;
4. ნათია მოდებაძე;
5. მამუკა გუგუშვილი;
6. ვახტანგ სურგულაძე.

მოწვეული პირები:

ქალაქ თბილისის მუნიციპალიტეტის მერიის ჯანდაცვისა და სოციალური მომსახურების საქალაქო სამსახურის უფროსი გელა ჩივიაშვილი;

ქალაქ თბილისის მუნიციპალიტეტის მერიის საფინანსო საქალაქო სამსახურის უფროსის მოადგილე ლევან მიქავა.

სხდომის დღის წესრიგი:

- ქალაქ თბილისის მუნიციპალიტეტის 2023 წლის ბიუჯეტის შესრულების წლიური ანგარიში.
- „ქალაქ თბილისის მუნიციპალიტეტის ბიუჯეტით გათვალისწინებული ჯანმრთელობის დაცვის ქვეპროგრამების განხორციელების წესების დამტკიცების შესახებ“ ქალაქ თბილისის მუნიციპალიტეტის საკრებულოს 2023 წლის 28 დეკემბრის N35-100 დადგენილებაში ცვლილების შეტანის შესახებ“ ქალაქ თბილისის მუნიციპალიტეტის საკრებულოს დადგენილების პროექტი.

- სხდომას თავმჯდომარეობდა ჯანმრთელობის დაცვის და სოციალურ საკითხთა კომისიის თავმჯდომარე ზურაბ ჩიკვილაძე. სხდომის თავმჯდომარემ სხდომა გახსნილად გამოაცხადა, დამსწრე წევრებს წარუდგინა ჯანმრთელობის დაცვის და სოციალურ საკითხთა კომისიის სხდომის დღის წესრიგი და სიტყვა გადასცა ქალაქ თბილისის მუნიციპალიტეტის მერიის საფინანსო საქალაქო სამსახურის უფროსის მოადგილეს ლევან მიქავას, რომელმაც ქალაქ თბილისის მუნიციპალიტეტის 2023 წლის ბიუჯეტის შესრულების წლიური ანგარიში წარმოადგინა.

ქალაქ თბილისის მუნიციპალიტეტის 2023 წლის ბიუჯეტის შესრულების წლიური ანგარიში მომზადებულია სტრუქტურული ერთეულებიდან, რაიონების გამგეობებიდან და სხვა საბიუჯეტო ორგანიზაციებიდან მოწოდებული ინფორმაციის და საქართველოს საბიუჯეტო კოდექსის გათვალისწინებით, რომელიც მოიცავს ბიუჯეტის ბალანსს საბიუჯეტო კლასიფიკაციის მიხედვით, შემოსულობების, გადასახდელების და ნაშთის ცვლილების ფაქტობრივი მოცულობების შედარებას შესაბამისი პერიოდის გეგმიურ მაჩვენებლებთან, ბიუჯეტის ანგარიშებზე არსებულ ნაშთებს წლის დასაწყისისა და დასასრულისათვის, პროგრამების დაზუსტებულ ასიგნებებსა და გადახდილ თანხებს შორის შეუსაბამობის განმარტებას (30%-ზე მეტის არსებობის შემთხვევაში). ასევე, ინფორმაციას დასახული პრიორიტეტების ფარგლებში პროგრამების/ქვეპროგრამების მიხედვით განხორციელებული ღონისძიებების აღწერის, მიღწეული შედეგების და შეფასების ინდიკატორების, საჯარო სამართლის იურიდიული პირების, არასამეწარმეო (არაკომერციული) იურიდიული პირების და სამთავრობო სექტორისთვის მიკუთვნებული სახელმწიფო საწარმოების ბიუჯეტების შესრულების წლიური მაჩვენებლების, სარეზერვო და წინა წლებში წარმოქმნილი დავალიანებების დაფარვისა და სასამართლოს გადაწყვეტილების აღსრულების ფონდებიდან გამოყოფილი სახსრების, სახელმწიფო ბიუჯეტიდან პროგრამების/ქვეპროგრამების მიხედვით მიღებული და გადარიცხული გრანტების (კაპიტალური სპეციალური ტრანსფერი და სხვა კაპიტალური გრანტები) შესახებ.

ქალაქ თბილისის მუნიციპალიტეტის 2023 წლის ბიუჯეტის შემოსულობების (შემოსავლები, არაფინანსური აქტივები, ფინანსური აქტივები, ვალდებულებების ზრდა) გეგმა განისაზღვრა 1 688,534.6 ათასი ლარით, ფაქტიურმა შესრულებამ შეადგინა 1 786,689.1 ათასი ლარი, ანუ გეგმის 105.8%.

ქალაქ თბილისის მუნიციპალიტეტის 2023 წლის ბიუჯეტით საანგარიშო პერიოდში დაფინანსებული პრიორიტეტებიდან ჯანმრთელობის დაცვის და სოციალური უზრუნველყოფის მიმართულებით შესრულება შეადგენს 150,820.3 ათასი ლარს, რაც გეგმის (155,594.5 ათასი ლარი) 96.9%-ია.

06 01 ჯანმრთელობის დაცვა დაფინანსებულია 29,835.1 ათასი ლარით (გეგმიური მაჩვენებლის 30,601.6 ათასი ლარის 97.5%-ი) შემდეგ ქვეპროგრამებზე:

06 01 02 დაავადებათა სკრინინგი

2023 წლის გეგმა - 2,700.0 ათასი ლარი, დაფინანსდა 2,640.0 ათასი ლარით, რაც გეგმის 97.8%-ია მიღწეული შუალედური შედეგების შეფასების ინდიკატორები: საბაზისო მაჩვენებელი - 2022 წლის განმავლობაში ჩატარდა 130857 კვლევა. დაგეგმილი მაჩვენებელი - იგეგმება 127600 კვლევის ჩატარება. მიღწეული მაჩვენებელი - ჩატარდა 149432 კვლევა.

06 01 03 გადამდებ და არაგადამდებ დაავადებათა ეპიდემიოლოგიური კონტროლი

2023 წლის გეგმა - 641.1 ათასი ლარი, დაფინანსდა - 637.6 ათასი ლარით (მათ შორის მიზნობრივი ტრანსფერი - 555.0 ათასი ლარი), რაც გეგმის 99.5%-ია.
მიღწეული შუალედური შედეგების შეფასების ინდიკატორები: 1.საბაზისო მაჩვენებელი - 2022 წელს სამკურნალოდ რეფერირებულთა ხვედრითი წილი იყო 78%. დაგეგმილი მაჩვენებელი - სამკურნალოდ რეფერირებულთა ხვედრითი წილი 55%. მიღწეული მაჩვენებელი - დაგეგმილი მაჩვენებელი შესრულდა. 2.საბაზისო მაჩვენებელი - 2022 წელს ჩატარდა 100013 ეპიდ. კვლევა, გრიპისა და გრიპის მსგავსი დაავადებები 103672 შემთხვევა, პროფილაქტიკური აცრები - 255870 ჩხვლეტა/ჩაწვეთება, ანტირაბიული ვაქცინაცია-ჩხვლეტა - 18030, გრიპის ვაქცინით აცრილია 63040 ადამიანი.

06 01 04 სახსრების ენდოპროტეზირების დაფინანსება

2023 წლის გეგმა - 500.0 ათასი ლარი, დაფინანსდა 495.2 ათასი ლარით, რაც გეგმის 99%-ია. მიღწეული მაჩვენებელი - დაფინანსდა 85 ბენეფიციარი.

06 01 05 გაფანტული სკლეროზის სამკურნალო მედიკამენტების დაფინანსება

2023 წლის გეგმა - 2,488.7 ათასი ლარი, დაფინანსდა 2,483.3 ათასი ლარით, რაც გეგმის 99.8%-ია. დაგეგმილი მაჩვენებელი - დაგეგმილია 102 ბენეფიციარის დაფინანსება მიღწეული მაჩვენებელი - დაფინანსდა 140 ბენეფიციარი.

06 01 06 აუტიზმის სპექტრის დარღვევის მქონე ბავშვთა აბილიტაცია

2023 წლის გეგმა - 8,974.0 ათასი ლარი, დაფინანსდა - 8,905.3 ათასი ლარით, რაც გეგმის 99.2%-ია. საბაზისო მაჩვენებელი - 2022 წელს მომსახურება გაეწია თვეში საშუალოდ 1550 ბავშვს. დაგეგმილი მაჩვენებელი - დაგეგმილია თვეში საშუალოდ 1850 ბავშვისათვის მომსახურების გაწევა. მიღწეული მაჩვენებელი - დაგეგმილი მაჩვენებელი შესრულდა.

06 01 07 ტუმუს კიბოს სამკურნალო მედიკამენტების დაფინანსება

2023 წლის გეგმა - 5,547.8 ათასი ლარი, დაფინანსდა - 5,243.8 ათასი ლარით, რაც გეგმის 94.5%-ია. საბაზისო მაჩვენებელი - 2022 წლის განმავლობაში დაფინანსდა 238 შემთხვევა. დაგეგმილი მაჩვენებელი - დაფინანსდება 230 ბენეფიციარი. მიღწეული მაჩვენებელი - დაფინანსდა 197 ბენეფიციარი.

06 01 08 ფსიქიკური ჯანმრთელობის სათემო მომსახურება

2023 წლის გეგმა - 760.0 ათასი ლარი, დაფინანსდა - 755.8 ათასი ლარით, რაც გეგმის 99.4%-ია. საბაზისო მაჩვენებელი - 2022 წელს დახმარება გაეწია თვეში საშუალოდ 212 ბენეფიციარს. დაგეგმილი მაჩვენებელი - დაგეგმილი იყო მომსახურების გაწევა თვეში საშუალოდ 218

ბენეფიციარისათვის. მიღწეული მაჩვენებელი - მომსახურება გაეწია თვეში საშუალოდ 212 ბენეფიციარს.

06 01 13 ტრანსპლანტაცია

2023 წლის გეგმა - 8,990.0 ათასი ლარი, დაფინანსდა - 8,674.1 ათასი ლარით, რაც გეგმის 96.5%-ია.

საბაზისო მაჩვენებელი - 2022 წელს დაფინანსდა 163 ბენეფიციარი. დაგეგმილი მაჩვენებელი - დაგეგმილი იყო 157 ბენეფიციარის დაფინანსება. მიღწეული მაჩვენებელი - დაფინანსდა 116 ბენეფიციარი

06 02 სოციალური დაცვა დაფინანსებულია 86,313.0 ათასი ლარით (გეგმიური მაჩვენებლის 92,066.9 ათასი ლარის 93.8%-ი) შემდეგ ქვეპროგრამებზე.

06 02 01 კომუნალური სუბსიდირება

2023 წლის გეგმა - 10,000.1 ათასი ლარი, დაფინანსდა - 9,875.4 ათასი ლარით, რაც გეგმის 98.8%-ია.

საბაზისო მაჩვენებელი - 2022 წელს განხორციელდა თვეში საშუალოდ 53484 ოჯახის სუბსიდირება (5 თვის განმავლობაში). დაგეგმილი მაჩვენებელი - დაგეგმილია 53305-მდე ოჯახის სუბსიდირება საშუალოდ თვეში (5 თვის განმავლობაში) მიღწეული მაჩვენებელი - განხორციელდა 56350 ოჯახის სუბსიდირება საშუალოდ თვეში (5 თვის განმავლობაში). განმარტება დაგეგმილ და მიღწეულ შუალედურ შედეგებს შორის არსებულ განსხვავებებზე - გაიზარდა სოციალურად დაუცველი ოჯახების მონაცემთა ერთიან ბაზაში რეგისტრირებული პროგრამის მოსარგებლეების რაოდენობა.

06 02 02 სოციალურად დაუცველი მრავალშვილიანი ოჯახებისათვის 18 წლამდე ასაკის თითოეულ ბავშვზე ყოველთვიური დახმარება

2023 წლის გეგმა - 12,139.8 ათასი ლარი, დაფინანსდა 12,043.7 ათასი ლარით, რაც გეგმის 99.2%-ია. საბაზისო მაჩვენებელი - 2022 წელს დახმარება გაეწია თვეში საშუალოდ 19732 ბავშვს, მათ შორის საშუალოდ 50% გოგონა, 50% ბიჭი. დაგეგმილი მაჩვენებელი - იგეგმება თვეში საშუალოდ 20233 ბავშვის დაფინანსება, მათ შორის საშუალოდ 50% გოგონა. მიღწეული მაჩვენებელი - დახმარება გაეწია თვეში საშუალოდ 20073 ბავშვს, მათ შორის საშუალოდ 50% გოგონა.

06 02 03 მცირე საოჯახო ტიპის სახლებიდან გასული, სრულწლოვანი პირების დამოუკიდებელი ცხოვრების ხელშეწყობა

2023 წლის გეგმა - 13.5 ათასი ლარი, დაფინანსდა - 13.0 ათასი ლარით, რაც გეგმის 96.3%-ია. საბაზისო მაჩვენებელი - 2022 წელს მომსახურება გაეწია საშუალოდ თვეში 3 ბენეფიციარს. დაგეგმილი მაჩვენებელი - თვეში საშუალოდ 3 ბენეფიციარის მომსახურება მიღწეული მაჩვენებელი - საშუალოდ თვეში მომსახურება გაეწია 2 ბენეფიციარს განმარტება დაგეგმილ და მიღწეულ შუალედურ შედეგებს შორის არსებულ განსხვავებებზე - ნაკლები მომართვიანობა.

06 02 04 შეზღუდული შესაძლებლობის მქონე ბავშვთა და მოზარდთა საკურორტო მომსახურება

2023 წლის გეგმა - 1,744.4 ათასი ლარი, დაფინანსდა - 1,730.6 ათასი ლარით, რაც გეგმის 99.2%-ია. საანგარიშო პერიოდში განხორციელებული ღონისძიებების აღწერა და მიღწეული შუალედური შედეგები: საანგარიშო პერიოდში დაფინანსდა შრომითი ხელშეკრულებით დასაქმებული პირის შრომის ანაზღაურება და ანაზღაურებული იქნა 2138 საკურორტო ვაუჩერი

06 02 05 100 წელს მიღწეულ მოქალაქეთათვის ერთჯერადი დახმარება

2023 წლის გეგმა - 56.0 ათასი ლარი, დაფინანსდა 100%-ით. საანგარიშო პერიოდში განხორციელებული ღონისძიებების აღწერა და მიღწეული შუალედური შედეგები: საანგარიშო პერიოდში ერთჯერადი მატერიალური დახმარება (1000 ლარი) გაეწია 100 წელს მიღწეულ 54 მოქალაქეს (მათ შორის ორ ბენეფიციარს პროგრამით გათვალისწინებული წესის შესაბამისად ჩაერიცხა ორი წლის (მიმდინარე და წინა წლის) კუთვნილი თანხა).

06 02 06 სოციალურად დაუცველი მოსახლეობის სერვისების მიწოდება

დაფინანსებულია 2,382.4 ათასი ლარით, რაც გეგმის (2,431.6 ათასი ლარი) 97.9%-ია. ქვეპროგრამის ფარგლებში სოციალურად დაუცველი ოჯახების ბავშვთა უფასო სწავლება ყოველთვიურად ფინანსდება ხელოვნების სკოლებში (32 სკოლა), მოსწავლე ახალგაზრდობის სახლებში (9 ფილიალი) და სასახლეში, სპორტულ სკოლებსა და საცურაო აუზებში (23 სკოლა/ცენტრი/აუზი/ფედერაცია).

06 02 06 01 უფასო სწავლება მოსწავლე ახალგაზრდობის სახლებში და სასახლეში განმახორციელებელი ორგანიზაცია

2023 წლის გეგმა - 572.6 ათასი ლარი, დაფინანსდა - 564.6 ათასი ლარით, რაც გეგმის 98.6%-ია. საბაზისო მაჩვენებელი - 2022 წლის დაფინანსებით ისარგებლა თვეში საშუალოდ 1903 ბავშვმა, (მათ შორის საშუალოდ 53.3% გოგონა) დაგეგმილი მაჩვენებელი - დაგეგმილია 1818 ბავშვის სწავლების დაფინანსება საშუალოდ თვეში, მათ შორის საშუალოდ 54% გოგონა. მიღწეული მაჩვენებელი - დაფინანსდა თვეში საშუალოდ 1862 ბავშვის უფასო სწავლება, მათ შორის საშუალოდ 54.1% გოგონა.

06 02 06 02 უფასო სწავლება ხელოვნების სკოლებში

2023 წლის გეგმა - 999.5 ათასი ლარი, დაფინანსდა - 1,002.0 ათასი ლარით, რაც გეგმის 99.8%-ია. საბაზისო მაჩვენებელი - 2022 წელს დაფინანსებით ისარგებლა საშუალოდ თვეში 2558 ბავშვმა, მათ შორის საშუალოდ 60.2% გოგონა, 39.8% ბიჭი. დაგეგმილი მაჩვენებელი - დაიგეგმა საშუალოდ თვეში 2 631 ბავშვის დაფინანსება, (მათ შორის საშუალოდ 59% გოგონა) მიღწეული მაჩვენებელი - დაფინანსებით ისარგებლა 2533 ბავშვმა, საშუალოდ თვეში, მათ შორის საშუალოდ 60.2% გოგონა, 39.8% ბიჭი.

06 02 06 03 უფასო სწავლება სპორტულ სკოლებში და საცურაო აუზებში

2023 წლის გეგმა - 638.5 ათასი ლარი, დაფინანსდა - 608.5 ათასი ლარით, რაც გეგმის 95.3%-ია.
დაგეგმილი მაჩვენებელი - დაგეგმილია საშუალოდ თვეში 1994 ბავშვის სწავლის დაფინანსება მიღწეული მაჩვენებელი - დაფინანსებით ისარგებლა საშუალოდ თვეში 1447 ბავშვმა. განმარტება დაგეგმილ და მიღწეულ შუალედურ შედეგებს შორის არსებულ განსხვავებებზე - სოციალურად დაუცველი ოჯახების მონაცემთა ერთიან ბაზაში რეგისტრირებული ბენეფიციარების რაოდენობის ცვლილება და მომართვიანობის შემცირება.

06 02 06 04 სერვის ცენტრებში სამგზავრო ბარათების დამზადება (ინიციალიზაცია)

2023 წლის გეგმა - 218.5 ათასი ლარი, დაფინანსდა - 209.9 ათასი ლარით, რაც გეგმის 96.1%-ია.

საბაზისო მაჩვენებელი - 2022 წელს გაიცა 54667 პლასტიკური ბარათი დაგეგმილი მაჩვენებელი - დაიგეგმა 69234 პლასტიკური ბარათის გაცემა მიღწეული მაჩვენებელი - გაიცა 35508 პლასტიკური ბარათი.

06 02 07 სოციალური მზრუნველობის სააგენტოს ხელშეწყობა

2023 წლის გეგმა - 3,764.4 ათასი ლარი, დაფინანსდა - 3,683.0 ათასი ლარით, რაც გეგმის 97.8%-ია
საბაზისო მაჩვენებელი - ოჯახების გაძლიერება, მშობლებისა და ბავშვის აღმზრდელი სხვა პირების მატერიალური და არამატერიალური დახმარების გზით, სააგენტოს მიერ ყოველწლიურად ხორციელდება თვეში საშუალოდ 200- მდე ბავშვიანი ოჯახის შეფასება. დაგეგმილი მაჩვენებელი - საბაზისო მაჩვენებლის შენარჩუნება. მიღწეული მაჩვენებელი - დაგეგმილი მაჩვენებელი შესრულდა 100%-ით.

06 02 08 სოციალურად დაუცველი საპენსიო ასაკის პირებისათვის მედიკამენტების დაფინანსება

2023 წლის გეგმა - 8,505.8 ათასი ლარი, დაფინანსდა 8,173.6 ათასი ლარით, რაც გეგმის 96.1%-ია.
საბაზისო მაჩვენებელი - 2022 წელს დაფინანსდა 21034 ბენეფიციარი, მათ შორის 78% ქალი. დაგეგმილი მაჩვენებელი - 18000-მდე ბენეფიციარისათვის მედიკამენტების ღირებულების ანაზღაურება. მიღწეული მაჩვენებელი - დაფინანსდა 14678 ბენეფიციარი (46226 შემთხვევა). განმარტება დაგეგმილ და მიღწეულ შუალედურ შედეგებს შორის არსებულ განსხვავებებზე - ნაკლები მომართვიანობა.

06 02 09 სამედიცინო და სხვა სოციალური საჭიროებების დახმარების ღონისძიებები

2023 წლის გეგმა - 17,396.0 ათასი ლარი, დაფინანსდა - 16,038.2 ათასი ლარით, რაც გეგმის 92.2%-ია.

საანგარიშო პერიოდში განხორციელებული ღონისძიებების აღწერა და მიღწეული შუალედური შედეგები: საანგარიშო პერიოდში მეორე მსოფლიო ომის ვეტერანებისა და ამ ომში დაღუპულთა ოჯახის წევრებისადმი (ქვრივები, შრომისუუნარო წევრები) 9 მაისის დღესასწაულის აღსანიშნავად ფინანსური დახმარების გაწევის მიზნით, სსიპ ვეტერანების საქმეთა სახელმწიფო

სამსახურიდან გამოთხოვილ იქნა ინფორმაცია ქ.თბილისში რეგისტრირებული, შესაბამისი სტატუსის მქონე პირების თაობაზე. მიღებული ინფორმაციის დამუშავების შედეგად გადარიცხულ იქნა შემდეგი თანხები: 1. მეორე მსოფლიო ომის მონაწილე 47 ბენეფიციარს - თითოეულს 1000 ლარი, 2. ამ ომში დაღუპულთა ოჯახის წევრების (ქვრივები, შრომისუნარო წევრები) სტატუსის მქონე 39 ბენეფიციარს - თითოეულს 500 ლარი.

06 02 13 მარტოხელა ხანდაზმულთა დღის ცენტრი

2023 წლის გეგმა - 1.9 ათასი ლარი, დაფინანსდა 1.87 ათასი ლარით, რაც გეგმის 98.4%-ია. მიღწეული შუალედური შედეგების შეფასების ინდიკატორები: საბაზისო მაჩვენებელი - 2022 წელს მომსახურებით ისარგებლა საშუალოდ თვეში 145-მა მარტოხელა ხანდაზმულმა. დაგეგმილი მაჩვენებელი - საბაზისო მაჩვენებლის შენარჩუნება მიღწეული მაჩვენებელი - დაგეგმილი მაჩვენებელი შესრულდა.

06 02 14 უფასო სასადილოებით მომსახურება

დაფინანსებულია 25,927.1 ათასი ლარით (გეგმიური მაჩვენებლის 25,938.5 ათასი ლარის 99.96%-ი). თბილისში ფუნქციონირებს 63 უფასო სასადილო, რომელიც ემსახურება თვეში საშუალოდ 41932 ბენეფიციარს.

06 02 15 გარდაცვლილ მეომართა სარიტუალო ღონისძიებები

დაფინანსებულია 76.3 ათასი ლარით (გეგმიური მაჩვენებლის 85.1 ათასი ლარის 89.7%) შემდეგ ქვეპროგრამებზე.

06 02 16 დანგრეული სახლების მაცხოვრებელთა კომპენსაცია

დაფინანსებულია 8,474.6 ათასი ლარით (გეგმიური მაჩვენებლის 8,489.0 ათასი ლარის 99.8%). საანგარიშო პერიოდში ბინის ქირის საკომპენსაციო თანხებით დახმარება გაეწია თბილისის ათ რაიონში მცხოვრებ სიით 2009 ოჯახს

06 02 17 ომის ვეტერანების დახმარება რაიონებში.

რაიონებში დაფინანსებულია 59.3 ათასი ლარით (გეგმიური მაჩვენებლის 59.6 ათასი ლარის 99.5%) შემდეგ ქვეპროგრამებზე.

06 02 18 სხვა სოციალური (დახმარების) ღონისძიებები რაიონებში

დაფინანსებულია 23,780.7 ათასი ლარით (გეგმიური მაჩვენებლის 23,816.9 ათასი ლარის 99.8%) შემდეგ ქვეპროგრამებზე.

06 02 21 თბილისის მუნიციპალური თავშესაფრის მოვლა-პატრონობა

2023 წლის გეგმა - 1,714.4 ათასი ლარი, დაფინანსდა - 1,644.2 ათასი ლარით, რაც გეგმის 95.9%-ია.

საბაზისო მაჩვენებელი - 2022 წელს მომსახურებით (თავშესაფარი, ჰოსპისი) ისარგებლა საშუალოდ თვეში 137 ბენეფიციარმა. დაგეგმილი მაჩვენებელი - დაგეგმილია საშუალოდ 174 ბენეფიციარის მომსახურება (თავშესაფარი, ჰოსპისი, ალკოჰოლური თრობის ან სხვა პრობლემების მქონე პირები). მიღწეული მაჩვენებელი - მომსახურებით ისარგებლა საშუალოდ თვეში 147 ბენეფიციარმა (თავშესაფარი, ჰოსპისი, ალკოჰოლური თრობის ან სხვა პრობლემების მქონე პირები). განმარტება დაგეგმილ და მიღწეულ შუალედურ შედეგებს შორის არსებულ განსხვავებებზე - ცდომილება გამოწვეულია მიუსაფართა თავშესაფარში და ჰოსპისში (პალიატიური ზრუნვა) ნაკლები მომართვინობით.

06 02 22 სოციალურად დაუცველი 18 წლამდე მკვეთრად და მნიშვნელოვნად შეზღუდული შესაძლებლობის მქონე პირების დახმარება

საბაზისო მაჩვენებელი - 2022 წელს დაფინანსდა საშუალოდ თვეში 1349 ბენეფიციარი (წელიწადში ორჯერ). დაგეგმილი მაჩვენებელი - დაიგეგმა საშუალოდ თვეში 1652 ბენეფიციარის დაფინანსება (წელიწადში ორჯერ). მიღწეული მაჩვენებელი - დაფინანსდა საშუალოდ თვეში 1596 ბენეფიციარი (წელიწადში ორჯერ). განმარტება დაგეგმილ და მიღწეულ შუალედურ შედეგებს შორის არსებულ განსხვავებებზე - სოციალურად დაუცველთა ბაზაში რეგისტრირებულ ბენეფიციართა რაოდენობის ცვლილება.

06 02 23 „ვორლდ ვიჟენ საქართველოს“ სოციალურად დაუცველი ბავშვების დღის ცენტრის თანადაფინანსება

2023 წლის გეგმა - 84.7 ათასი ლარი, დაფინანსდა 100%-ით.

06 02 25 სოციალურად დაუცველ ოჯახებში ყველა ახალშობილზე ერთჯერადი დახმარება.

2023 წლის გეგმა - 597.6 ათასი ლარი, დაფინანსდა - 570.8 ათასი ლარით, რაც გეგმის 95.5%-ია. საბაზისო მაჩვენებელი - 2022 წელს დახმარება გაეწია 832 ბავშვის ოჯახს. დაგეგმილი მაჩვენებელი - დაგეგმილია 808 ბავშვის ოჯახის დაფინანსება მიღწეული მაჩვენებელი - დახმარება გაეწია 754 ბავშვის ოჯახს განმარტება დაგეგმილ და მიღწეულ შუალედურ შედეგებს შორის არსებულ განსხვავებებზე - სოციალურად დაუცველი ოჯახების მონაცემთა ბაზაში რეგისტრირებულთა რაოდენობის ცვლილება.

06 02 26 შინმოვლის თანადაფინანსება.

2023 წლის გეგმა - 372.0 ათასი ლარი, დაფინანსდა - 363.0 ათასი ლარით, რაც გეგმის 97.6%-ია. საბაზისო მაჩვენებელი - 2022 წელს მომსახურება გაეწია საშუალოდ თვეში 761 ბენეფიციარს (მათ შორის საშუალოდ 578 ქალი, 183 კაცი). დაგეგმილი მაჩვენებელი - იგეგმება საშუალოდ თვეში 900 ბენეფიციარის მომსახურება (მათ შორის საშუალოდ 630 ქალი, 270 კაცი) მიღწეული მაჩვენებელი - მომსახურება გაეწია საშუალოდ თვეში 762 ბენეფიციარს (მათ შორის საშუალოდ

558 ქალი, 204 კაცი). განმარტება დაგეგმილ და მიღწეულ შუალედურ შედეგებს შორის არსებულ განსხვავებებზე - ბენეფიციართა ნაკლები მომართვიანობა.

06 02 28 შეზღუდული შესაძლებლობების მქონე პირთა საზოგადოებაში ინტეგრაციის ხელშეწყობა

2023 წლის გეგმა - 850.0 ათასი ლარი, დაფინანსდა - 827.7 ათასი ლარით, რაც გეგმის 97.4%-ია. საბაზისო მაჩვენებელი - 2022 წელს დაფინანსდა 101 განცხადება/პროექტი დაგეგმილი მაჩვენებელი - დაგეგმილია 110 განცხადება/პროექტის დაფინანსება მიღწეული მაჩვენებელი - დაფინანსდა 95 განცხადება/პროექტი განმარტება დაგეგმილ და მიღწეულ შუალედურ შედეგებს შორის არსებულ განსხვავებებზე - ნაკლები მომართვიანობა.

საბაზისო მაჩვენებელი - 2022 წელს დაფინანსდა 101 განცხადება/პროექტი დაგეგმილი მაჩვენებელი - დაგეგმილია 110 განცხადება/პროექტის დაფინანსება მიღწეული მაჩვენებელი - დაფინანსდა 95 განცხადება/პროექტი განმარტება დაგეგმილ და მიღწეულ შუალედურ შედეგებს შორის არსებულ განსხვავებებზე - ნაკლები მომართვიანობა.

წარმოდგენილ საკითხთან დაკავშირებით, ხმის მიცემისგან თავი შეიკავა ვახტანგ სურგულაძემ, და მამუკა გუგუშაშვილმა ხოლო, ჯანმრთელობის დაცვის და სოციალურ საკითხთა კომისიის დანარჩენმა წევრებმა ერთხმად დაუჭირეს მხარი.

მომხრე: 4

წინააღმდეგი: 0

თავი შეიკავა: 2

- აქვე, ჯანმრთელობის დაცვის და სოციალურ საკითხთა კომისიის თავმჯდომარემ ზურაბ ჩიკვილაძემ სიტყვა გადასცა დღის წესრიგით გათვალისწინებული მე-2 საკითხის წარმომდგენს ქალაქ თბილისის მუნიციპალიტეტის მერიის ჯანდაცვისა და სოციალური მომსახურების საქალაქო სამსახურის უფროსს გელა ჩივიაშვილს.

საკითხის წარმომდგენმა განაცხადა, რომ ცვლილება შედის „ქალაქ თბილისის მუნიციპალიტეტის ბიუჯეტით გათვალისწინებული ჯანმრთელობის დაცვის ქვეპროგრამების განხორციელების წესების დამტკიცების შესახებ“ ქალაქ თბილისის მუნიციპალიტეტის საკრებულოს 2023 წლის 28 დეკემბრის N 35-100 დადგენილებაში, კერძოდ, დადგენილების პირველი მუხლის „ა“ ქვეპუნქტით დამტკიცებულ „დაავადებათა სკრინინგის ქვეპროგრამის განხორციელების წესში“ (დანართი N1), კერძოდ, მცირე რედაქციულ ცვლილებას განიცდის წესის მე-2 მუხლის პირველი პუნქტის „ბ.ა“ ქვეპუნქტი და ჩამოყალიბდება შემდეგნაირად: „საშვილოსნოს ყელის დათვალიერებას და პაპ-ტესტის (PAP-ტესტი) ჩატარებას ბეტესტას მეთოდზე დაყრდნობით 25 წლიდან 30 წლამდე ასაკის ჩათვლით ქალებში“, ვინაიდან, საშვილოსნოს ყელის კიბოს სკრინინგი მოიცავს საშვილოსნოს ყელის დათვალიერებას და პაპ-ტესტის (PAP-ტესტი) ჩატარებას ბეტესტას მეთოდზე დაყრდნობით 25 წლიდან 30 წლამდე ასაკის ქალებში, ნაცვლად 30 წლის ჩათვლით ქალებისა.

ამასთან, წესის მე-9 მუხლს, „გარდამავალ დებულებებს“ ემატება მე-3 პუნქტი, შემდეგი ფორმულირებით: „2024 წლის 10 მაისამდე, ქვეპროგრამის მიმწოდებლად რეგისტრირებული

დაწესებულებების მიერ, საშვილოსნოს ყელის კიბოს სკრინინგი, 30-დან 60 წლის ასაკის ჩათვლით ქალებში, განხორციელდეს HPV დნმ-ის განსაზღვრის ან პაპ-ტესტის (PAP-ტესტის) ჩატარებით ბეტესტას მეთოდზე დაყრდნობით“ აღნიშნული ცვლილება, განპირობებულია იმით, რომ HPV-ზე ტესტირების ცენტრალიზებული მოდელის დანერგვის პროცესში, როცა ჯერ კიდევ მიმდინარეობს ტესტების მოწოდება, უგულვებელყოფილი არ იქნას ქვეპროგრამით მოსარგებლე პირების ინტერესები და არ დაირღვეს მათი უფლებები. მსგავს შემთხვევათა თავიდან ასაცილებლად, ქვეპროგრამის მიმწოდებლად რეგისტრირებულ დაწესებულებებს, 2024 წლის ათ მაისამდე, უფლება ეძლევათ საშვილოსნოს ყელის კიბოს სკრინინგი, 30-დან 60 წლის ასაკის ჩათვლით ქალებში, განახორციელონ HPV ტესტირების მეთოდით ან პაპ-ტესტის (PAP-ტესტის) ჩატარებით ბეტესტას მეთოდზე დაყრდნობით. აღნიშნული გარდამავალი დებულების მოქმედება გავრცელდება 2024 წლის პირველი აპრილიდან წარმოშობილ ურთიერთობებზე.

კომისიის თავმჯდომარემ ზურაბ ჩიკვილაძემ სხდომის დღის წესრიგით გათვალისწინებული მეორე საკითხი კენჭისყრაზე დააყენა. აღნიშნულ საკითხს დამსწრე კომისიის წევრების სრულმა შემადგენლობამ დაუჭირა მხარი.

მომხრე: 6

წინააღმდეგი: 0


თავი შეიკავა: 0

კომისიამ დაადგინა

პროექტები განხილული იქნას საკრებულოს უახლოეს სხდომაზე ჯანმრთელობის დაცვის და სოციალურ საკითხთა კომისიის უმრავლესობის დადებითი რეკომენდაციით.

კომისიის სხდომის თავმჯდომარემ სხდომა დახურულად გამოაცხადა.

ჯანმრთელობის დაცვის და სოციალურ
საკითხთა კომისიის თავმჯდომარე



ზურაბ ჩიკვილაძე